



Broj: 01-6-04-6-6521-1 /23
Sarajevo: 12. 10. 2023. godine

Na osnovu člana 15. st. (3) Zakona o Vijeću ministara Bosne i Hercegovine („Službeni glasnik BiH“, br. 30/03, 42/03, 81/06, 76/07, 81/07, 94/07 i 24/08, člana 62. Zakona o upravi („Službeni glasnik BiH“, br. 32/02 i 102/09), Zakona o slobodi pristupa informacijama u Bosni i Hercegovini („Službeni glasnik Bosne i Hercegovine“ broj 61/23), postupajući po zahtjevu [REDACTED] sa Internacionalnog Burč univerziteta, Ministarstvo sigurnosti Bosne i Hercegovine **d o n o s i:**

R J E Š E N J E

1. Odobrava se [REDACTED] sa Internacionalnog Burč univerziteta, pristup traženim informacijama, a koje su pod kontrolom ovog organa u skladu sa članom 22. Zakona o slobodi pristupa informacijama u Bosni i Hercegovini.
2. Pristup informacijama ostvarit će se dostavom kopija dokumenata kojima raspolaže Ministarstvo sigurnosti BiH.

Образложење

[REDACTED] sa Internacionalnog Burč univerziteta uputili su Ministarstvu sigurnosti BiH zahtjev da se u skladu sa Zakonom o slobodi pristupa informacijama BiH, dostave informacije:

- o broju podnesenih zahtjeva za pristup informacijama u periodu od 1996. do 2023. te o karakteristikama Zahtjeva, podnosioca Zahtjeva i odgovora kako slijedi:

Karakteristike Zahtjeva

- predmet informacija traženih Zahtjevom za pristup informacijama te broju protokola;
- datum prijema Zahtjeva za pristup informacijama;
- tip informacija, odnosno arhivske građe tražene Zahtjevom za pristup informacijama; te
- traženi način pristupa informacijama

Karakteristike podnosioca

- status lica;
 - rod lica, ako je fizičko lice;
 - prebivalište, odnosno sjedište lica; te
 - djelatnost(i) lica, ako je pravno lice
- Karakteristike odgovora
- vrsta odgovora;
 - odobren način pristupa traženim informacijama;
 - datum slanja odgovora; te
 - popratni, odnosno dodatni zahtjevi

Zahtjevom je traženo je da se navedene informacije dostave unošenjem podataka u excel tabele.

U skladu sa članom 22. Zakona o slobodi pristupa informacijama u Bosni i Hercegovini, nakon razmatranja zahtjeva, odobren je pristup informacijama, na način da se podnosiocu zahtjeva dostave dokumenti kojima raspolaže Ministarstvo sigurnosti BiH, odnosno godišnje statističke podatke koje Ministarstvo sigurnosti po zakonu o ZOSPI dostavlja nadležnim institucijama u periodu od 2018. do 2022. godine.

Po navedenom Zakonu, Ministarstvo sigurnosti BiH nije obavezno dostavljati karakteristike zahtjeva i podnosioca, te takve podatke nisu ni unošeni u statističke izvještaje.

Također, članom 23., stav (6) Zakona o slobodi pristupa informacijama u Bosni i Hercegovini („Službeni glasnik Bosne i Hercegovine“ broj 61/23), precizirano je da se zahtjevom za pristup informacijama ne smatra izrada analize, kao ni stvaranje nove informacije.

Na osnovu navedenog, nismo u mogućnosti izrađivati posebne tabele sa traženim podacima, te je zahtjev riješen na način da se dostave dokumenti kojima raspolaže Ministarstvo sigurnosti BiH.

Protiv ovog rješenja može se u roku od 15 dana po prijemu podnijeti žalba Žalbenom vijeću pri Vijeću ministara Bosne i Hercegovine kao i žalba Ombudsmenu Bosne i Hercegovine.

Prilog:

- Statistički podatci o zahtjevima po ZOSPI BiH za 2018. godinu (1 str.)
- Statistički podatci o primljenim zahtjevima po ZOSPI BiH za 2019. godinu (2 str.)
- Statistički podatci o primljenim zahtjevima po ZOSPI BiH za 2020. godinu (2 str.)
- Statistički podatci o primljenim zahtjevima po ZOSPI BiH za 2021. godinu (2 str.)
- Statistički podatci o primljenim zahtjevima po ZOSPI BiH za 2022. godinu (2 str.)

Dostavljeno:

- [REDACTED]
mail: [REDACTED]
-a/a

MINISTAR

Nenad Nešić

